

嘉靖羅田縣志
甘□其題

明代縣志 伏數百年
百計訪購 捐印流傳
凡我同人 竭力保有
傳示千秋 子孫世守
先正心血 庶幾不朽

重刻嘉靖羅
田縣志八卷
附錄一卷

丙寅秋月青垞校印
於武昌行館

潛江甘鵬亨書

重刊嘉靖羅田縣志序

寶沅之長羅田也爲日至淺又當兵匪俶擾之世奚暇而爲表章文獻計今迺獲取明志祖本重予覆墨是何故哉其先蓋有啟予者在也憶癸亥初秋奉檄長縣在會城與都人士相見頗有期予爲脩纂方志之謀者予心知今日非修文之時雖在本縣之志具有資料並主此事亦有人然而默察舉世之人心風習往而不返凡屬舉辦名雖美而實則非徒供一時擾亂掠奪之資藉是以徘徊審顧憚於一發卽發亦必至不可收拾而止近十許年來所見皆如是也不然生平微尙所在顧獨何心臨流返駕漠然無所動於中也哉惟是垂老而結習未忘儻竟無鴻雪之留遺此心終無以自釋於時王青坨學部方以所得明代祝侯翊倡修之志相視並爲縷述得此書之艱與其在今日眴有放佚之危始欣欣然喜曰是可重印以餉縣人士而少彌余此行未及修復文獻之憾也蓋嘗取而繹之珍卿縣侯爲章文懿弟子已箸列萬季野儒林宗派文懿修蘭谿志以簡要名天下爰卽據爲體要並於去任時付之閩

嘉靖羅田縣志

重刊序

一

學魁碩蔡教諭元偉俾董其成教諭亦張清恪道南源委中人也惟是時修志風尙相率以墨守功令惟景泰中頒行之寰宇通志爲歸卽本志凡例所稱大明一統志之原名也其間奮一家之言如康對山之志武功韓五泉之志朝邑更以仿漢書史記風動一世於是斯志及章志罔不在此範圍中此珍卿松莊修書淵源之可考者而彼兩君子者生承平明備之會以講學之儒又得共事一方相與修明廢墜剔幽隱以照後世在今日猶動人流連慨慕而況於身親其樂者乎此又當日遭逢之可羨者若其取材之過儉審度之未精要自無庸爲諱良由當時官師邑士藏書絕少舉所謂網羅羣乘經緯四部者均無暇措意特因時因地卽張玉泉師弟所零拾者整理之而明代講學之家復無清代史家考訂鑒別之雅尙故雖經歷次官紳之手而陳芝麓趙南濱者流率文士而非史才故其譌缺觸目孔多要其成書之矜慎內就隳括外薙蕪濫則迥非清代幾次縣書所及若取以訂補後來四次之志其益尤非淺尠且其書自天一閣收藏孤本外海內更無第二副鈔而羅田明代先達遺著

祇萬仙逋方書與此編能逃於兵革劫火之外所謂中流失船一壺千金者非歟然則此邦之士夫及官斯土者可膜視委棄而不思鄭重表□也乎寶沅老矣自審無可藉以結緣此邦學者特割廉二十萬錢浼青坨爲校印以永餉今後同志諸君青坨以癸卯第三人出余房平日談藝論心相視莫逆其近歲校書都門與文郎仲立發國家圖書館祕冊所得於茲方墜沈之文獻常以相示蔚成大觀今春又聞其舉仲立未成遣稿爲祝志訂補十六卷余可斷其爲方志不朽盛業能發乾嘉諸老屐齒未到之瓌觀惜乎逢時不祥挾可爲之具當不可爲之時僅得相與重噓古人已燼之燄而仲立早世偉抱未抒此次又嗇於資不克取訂補同時付削僅得取仲立臨沒之夏手輯本志附錄一卷鐫之是又寶沅臨穎躊躇而未能已已者爾乙丑首夏從化李寶沅

羅田縣圖志序

羅田荆楚之隩區而黃州之隸邑也其衣桑麻其食穀粟肉蔬無魚鹽市舶通商之利故其俗勤生而力本無金玉貨貝綺縠繒錦珍禽怪獸名花異材之產故其俗質約而隘無車馬絡繹將迎供億之擾故其俗惜費而憚役無百工衆技紛華盛麗之飾故其俗專一習業而不遷翊之始至也甚宜之以爲易治旣而迎

日輦見民數之寡弱遇大饑見杼軸之空竭隨逢巨寇見武備之疎虞輒歎曰亦涸弊創殘之地也可無惕乎乃於經理之暇不敢荒寧咨詢典故欲深究其殘弊之源而潛圖所以培養封植之策皆漫無所徵蓋爲之鬱悒而太息旣乃得一志稿於蔡生唯忠脫畧蠹裂條次混亂問之謂張玉泉諸名公相繼受周忠州勞崇德之託而筆削者也猶幸其綱要之所在未甚至磨滅得以緣舊而增新嗣是而莫之繼世遠人亡文獻不幾於泯乎爰禮羅外史楊君鸞洪君炯以董其事暨張生濬蔡生唯忠唯孝以專其勞搜羅覲縷捃摭融液越五旬宏綱細目草創略具頃

羅田縣志

序

一

之楊君遷蔡君元偉繼至未幾翊亦濫膺行取之

命乃執簡授蔡君使踵志而纂成焉惜不及見其梓行而舟已先登矣然追思不佞之所以不甚負於羅之民與民之所以獲安於殘弊之餘如危石衝流之不至於崩摧而潰決者則茲志之助與爲多焉嗚呼志之成於羅者若是其遲且難而其裨於政者又若是其明且易也後之人按圖觀風昭如指掌卽其類而求焉蚤夜以思之思通而行之其於報政之速也何至如翊之樸鈍連蹇攸攸恤恤而僅得之者哉因僭識之以遺來者

嘉靖壬寅夏四月念五日

文林郎知羅田縣事蘭江前溪祝翊書

羅田縣志凡例

一羅自有縣以來無志可徵考諸志於郡志於藩者失之略藏於故老者失之亂雖經訂於閩之陳芝麓粵之趙南濱羅之張玉泉亦未就緒今乃得因諸公之筆而證之以藩郡之史搜羅舊聞徧訪新見分類以書其中有遺漏者俟博雅之君子補焉

一志中書法大略仿

大明一統志及史綱大書分註使觀之者易見其顛末

一公署先縣治以下而後府館以上者由卑以達尊也且以見主客之義焉不及學者已詳學校志也

一前輩行實不敢妄評但錄其所嘗見稱者附於科目之下其生存者只具載所歷之官蓋公論未定當以俟後之君子也貞烈無所於考只憑郡志若忠節孝義所載則論定而書無容議矣

羅田縣志

凡例

一

一唐友義不仕而不列之隱逸者友義既舉於鄉則有天下之志矣而又不仕焉固非其本情也忠義之篤節概之高今之人猶能言之噫可尙哉

一王氏不嫁廢夫婦之倫也而附之貞烈者末世教衰淫風莫禁有如王氏雖賢者之過而亦人之所異也故附書之

一藝文有志他志皆大書於後今只分註於各類之下而藝文只標其端者所以便觀覽也其間工拙不同皆詳載者以有關風教或係名公筆跡故不敢遺然其所刪去亦多矣

一清軍非羅田講武之事而列之脩武者軍以衛民國家之武備孰大焉而且自羅田以充之不附之脩武將何居乎此有志於天下爲公之意也

一脩武志民兵畧而軍政詳者蓋民兵借力於農更代不一但以時練之足矣軍政則清勾之擾吏書之弊有不可勝言者故特詳焉

一災異有志而祥瑞僅附焉者春秋記災異不書祥瑞其意微矣况所載乃瑞之

末者可特志乎然則曷不去之傳習已久不以自我而廢也
一百神祠以下不附於廟祀而別之雜志者所以崇中正黜奇袤也東嶽非淫祠
而亦別之何也非羅邑之所宜專也

一志之例大抵諱惡而彰善稽實而闕疑詳沒而畧存防諛而去誣

羅田縣志

凡例

二

羅田縣志目錄

卷之一

地理志

星土 建置 疆域 附驛程 形勝 山川 城郭 坊鄉 市鎮

風俗 橋渡 塘堰

卷之二

食貨志

土田 物產 戶口 貢賦 附倉庫 役法 附工役

卷之三

官師志

職制 歷官 名宦

公署志

羅田縣志

目錄

一

署舍 舖舍

卷之四

學校志

儒學 社學

人物志

科貢 薦辟 忠臣 節士 孝子 義士 貞烈 恩封 流寓

卷之五

惠政志

預備倉 養濟院 惠民藥局 義塚 附官渡

祀典志

廟祠 壇壝

卷之六

藝文志

詩 賦 記 銘 祭文

脩武志

民兵 軍政 關寨 鄉堡 巡警冷鋪附

卷之七

災異志

水旱 盜賊 祥瑞附

卷之八

雜志

古蹟 坟墓 寺觀 祠宇 亭閣 仙釋


按志之首地理何也非地則志莫之肇以作也緣地以起志故地理焉先財者土之所鍾而賦役胥原之以出也故食貨次之財萃而無統則爭故受之以官

羅田縣志

目錄

一一

師以統治而公署則官之所居也既治而不教則愚故受之以學校以施教而人物則教之所成也宣慈布惠治之本也崇正闢淫教之經也故次惠政次祀典文事武備不可偏也守成戢亂不可廢也故次藝文次修武天行人事之參會而咎徵應焉遇災者可不知懼乎災異所以居於志之終也遺事遺文之隱見而古迹係焉類書之則非其要矣雜志所以列於志之末也此序次之大凡也



羅田縣廟學圖

羅田縣志卷之一

地理志

唯王建國辨方正位體國經野有四方之史後世郡邑圖志基焉是故察星土而分界明矣詳建置而沿革昭矣辨疆域而遠邇定矣觀形勝觀山川觀城郭而險固設矣觀坊鄉觀市鎮觀風俗而民治彰矣觀橋渡觀塘堰而民利興矣凡吏茲土者所宜知也志地理

星土

分野之說其來舊矣自周禮春秋傳及歷代史志咸載焉郎官上應列宿出宰百里則察乾象觀妖祥以驗政治者固其職也其毋以天道遠而忽諸

禹貢荊州之域天文翼軫之次

周禮大司徒言十有二土不斥言所應者何次保章氏言星土辨九州之地不明言所辨者何星是分土分星不可以州國定名亦明矣主分野之是者則曰自張十七度至軫十七度爲鶉尾之次當楚之分遂以楚爲分星荊州之星土且驗以裨竈之知楚子及周楚惡歲害鳥帑之事班固志又曰荆楚翼軫之分則羅田在禹貢荊州

地理志

卷一

一

之域今隸黃州而黃州又在楚江夏邦域之中抑豈出于翼軫之分野乎然天道玄微星經散亡無所於正姑錄此以俟後之君子攷焉

建置

羅田鄙有六關亦咽喉險塞之地而土地今隸名號迭換歷代異宜不能相一苟不求其沿革之所自則後何所稽乎故備識之

羅田在禹貢荊州境內春秋爲黃國地戰國屬楚漢隸江夏郡三國爲吳隸蘄春郡晉隸弋陽郡北齊隸齊安郡梁置爲義州及義城郡隋改爲縣復隸蘄春郡唐省入蘄州浠水縣宋以石橋鎮仍陞爲羅田縣元因廢復立大德甲寅知縣周廣遷官渡河隸蘄州路 ○ 夔強按此於沿革太簡略不詳確須考正史地志及輿地專書再考定之語見訂補

本朝洪武乙卯改隸黃州府

羅田縣名古熊姓羅國也荊州郡今荊州府黃國即今黃州府齊安其地也江夏郡即今武昌府蘄春郡即今蘄州弋陽郡即今河南光州義州義城郡石橋皆在

今治之奉泰鄉舊縣魁山下也浠水即今蘄水縣官渡河今治所臨以爲襟帶者焉

○ 以羅田爲古羅國誤餘亦有誤均見訂補

疆域

志疆域禹貢弼成五服東漸西被之意也羅之疆鄙北枕固陵之城南跨蘄陽之流東連英麓西接古亭環四隅而約之百里有奇吏土者中立焉可以定民矣

東西廣八十里南北袤一百六十里

東至英山縣界五十里

以落翎河爲界自界至英山十里

西至黃岡縣界三十里以尤河嘴爲界自界至黃岡一百三十里

南至蘄水縣界一十五里以界河爲界自界至蘄水一百里

北至固始縣界一百五十里以松子關爲界自界至固始二百五十里 ○按此有誤見訂補

東南至英山縣界五十里以雞兒河爲界自界至英山一十里

西南至蘄水縣界二十里以曾家畝爲界自界至□水一百三十里 ○按曾疑曹譌

東北至霍山縣界一百二十里以青苔關爲界自界至霍山縣二百里

西北至麻城縣界四十里以雙河口爲界自界至麻城一白四十里

驛程

本縣至本府陸路一百八十里水路五百里

至本省布政司陸路二百五十里水路一百里

至南京陸路一千一百里水路一千七百里

至京師陸路三千六百八十里水路四千五百里

地理志

卷一

一一

形勝 古人定鼎卜洛據地勢之雄其來遠矣羅阻山帶河山脈自多雲大霧經仙臺熊巖擁尖峯翔鳳凰屏於北河流自娥眉出紫檀沿北峯與多雲河合流經柳林迎山穿陶巖以遠於前而印臺浮水南以爲案塔

山障其東平臺列於西森然金湯之固非昔人望景觀卜之詳何以得此固宜多得循良之吏而育毓人才之盛也 ○按此尙有最切之語未收見訂補

北接光蔡西連黃岡宋蘄州興復舊治記南距大江北按光蔡西連黃岡東峙灣皖 ○按此有脫字見訂補

淮壩上腴宋關詠蘄州神光觀記占淮壩之上腴

田輸井稅唐權德輿送李處士弋陽山居詩不憚薄田輸井稅自將佳句著鄉閭

攀援雲磴萬疊翠嵐多雲樵唱詩云一曲嘔啞萬疊山翠嵐晴滴露華寒攀援雲磴歸來晚猶覺餘香杳靄間

青雲萬仞戴倫詩極目青雲萬仞梯金烏刷尾又西飛

淮右名區宋秦觀表知蘄春之便郡實淮右之名區 ○按此注及上行注均有脫字

鳳凰曉日層巒嶷嶷孕奇形旭日初升五彩星人兆地靈知有待阿誰步武峴山名

龍井甘霖水隨地脈去無垠誰信中涵造化神一縷好香和霧起萬村煙雨萬家春

塔寺鐘聲古刹幽棲地更高蒲牢清響出林臯朝朝暮暮何人道一百八聲縱復操

多雲樵唱早起披雲競執柯擔頭擔穩復如河野人分願無餘事長放一聲山水歌

秋郊樹影

飄飄霜葉滿江村百影蕭疎日色曛
莫訝晚風增慨嘆乾坤翕聚欲生春

義水東流

萬派濼迴勢必東滔滔無念不朝宗
酌來應邁貪泉化今古君臣道不窮

銅峭鑼壁

萬仞蒼崖倚壁空天然寫就玉芙蓉
古今特立誰知已秀出風塵此道同

石險橫江

望中奇觀抑胡然萬石崢嶸迸玉泉銀漢橫邊星錯
落天章依樣出人間以上俱訓導寧海石彬題咏

山川

在昔帝王建國封山以為鎮流河以為瀆非以其興雲蒸霧以阜羣物育奇孕秀以產偉人其功用
蓋昭昭若是與羅之山川疊嶂層巒經流環帶亦一方之鎮瀆也故因其方位考其名義而志之獨

加詳 ○按此於古山川名凡二十四種均缺見訂補

塔

山在縣東五里其山層高唐時建寺於上因多塔故名元末兵燹遷城中去縣北三百步仍名塔山

印臺山

山在縣南一里為縣前案則名印臺為學前案則名書臺

桂家山

在縣東三里上有煙墩以為傳警之備

王道山

在縣東十里傳說有王姓昔修道於此故名

鉢盂山

在縣南三里形勢平秃如僧之鉢盂故名

迎山

在縣南十里雲出則雨諺云迎山雲起大雨千里

○按此見景泰寰宇通志此缺未引見訂補

地理志

卷一

三

望江山

在縣南十五里高出衆山去大江一百四十里登望咫尺在目故名

道峯尖

在縣東南十里

望道山

在縣東北十里以其面對道峯故名

娥眉山

在縣東北一百里上有娥眉庵

平頭嶺

在縣東十五里

仙人巖

在縣東二十里傳言仙人在此升天遺有鞋迹

花兒巖

在東縣二十五里

陶公巖

在縣南一里

○按此有訛見訂補

牛頭巖

在縣東南十里

以上南條官渡河南境之山

鳳山

在縣北即今公堂坐山其形展翅如鳳故名

尖峯山

在縣北三里上有二尖疊出故名

仙臺山 在縣北十里

覆船山 在縣東十里其形如舟覆在河中故名

坐荆巖 巖上有荆百餘叢昔人設教此巖之陽取荆為教刑弟子皆成偉器

和尚山 在縣北四十里形如僧頂故名

大霧山 在縣北五十里天欲雨則霧起滃然 ○按大霧即大雲音變古零婁地有在今縣者見訂補

黃土垵 在縣北五里

揚旗山 在縣北七十里形如旗揚故名

汪家山 在縣西八里石壁間遺有仙人足跡

剪刀山 在縣西五里以形似故名

黨家山 在縣西一里

栗子垵 在縣西一十里

以上南條官渡河北境之山

地理志

卷一

鼓羊山 在縣西六十里

掛弓山 在縣北六十里

蘇雞山 在縣北六十里 ○按蘇雞為鳩茲音變樓子山亦鳩茲音變皆楚鳩茲名僅存者見訂補

李木巖 一名李莽巖在縣西北二十五里上有龍泉寺歲旱禱雨即應

獨坐山 在縣東北八十里其山形高出如人獨坐嘉靖戊子山神作異鄉人祠祀真武鎮之一時朝謁者甚衆未半年得鄉民香錢百餘兩貯庫知縣鄒明魁以淫祠毀之

泊高山 又名鶴皋峯在縣東北一百二十里

烏雲山 在縣西北七十里

練巖 在縣西三十里有瀑布瀉兩峯之下 ○按此見輿地紀勝寰宇通志此缺見訂補

豹龍巖 在縣西三十里形勢起伏如豹如龍

蕪洞 在縣西五十里有門可入內藏雙燕翠羽大如雞其最深處有石壁高丈餘壁有石幣俗號龍幣遇旱焚劄幣前即涓滴須臾如注立可滿瓶取出輒雨鄉人神之知縣徐泰親往禱雨果驗

山韭巖 在縣西九十里其地出韭其葉如蒜其味甚佳

石獅垵 在縣西北四十里有石獅出自天成故名

陸家垆 在縣西四十里傳說有陸姓者居此故名

以上北條平湖河南境之山

魁山 在縣東六十里形勢嵯峨高出衆山故名宋建縣治於山之陽今廢 ○按此山脉有名茶山均者即太平寰宇記及輿地紀勝之茶山吳元濟所取者見訂補

雪巖 在縣東四十里上有石巖巖上有井深數十丈宋石刻云斬春郡餘蘭陵霍祐之奉檄來羅田勸諭賑糶同邑長知縣詹魯山相拉遊雲巖簿尉義興史季瞻吳郡騷客丁夢良錫山口永叔三衢余正卿國泰徘徊逍遙殊不覺

身在塵寰也時紹熙甲寅仲春日鐫又一石 ○按此有誤字詹魯山見刻淳熙戊戌酉月張惠卿陽閏吳仁傑同立 葉水心先生集詳訂補

雲蓋山 在縣東三十里其上有井天早禱之則應

朦朧山 在縣東四十里時有雲氣朦朧其上故名

鳳凰山 在縣東三十里山高聳秀如鳳翔翼故名 ○按此見輿地紀勝及寰宇通志另有攷見訂補

虎母山 在縣南二十五里舊志云此山高聳其形若虎而來跡且長衆石在於左右纍纍然若子之隨母故各一名古墓山

竹根山 在縣南二十里舊多竹故名

月山 昔有兄弟五人修道功成誓曰見險則過見月則止迨至此山月出今有廟在上

天明山 在縣南五十里楊林山 在縣南四十里

地理志

卷一

五

袁家山 在縣東南四十里石可燒灰 黃泥堂山 在縣東南二十里

觀音山 在縣東南六十里其山高聳上有一巖昔觀音現身於此至今遺像在石

藤子山 在縣東四十里練石洞 在縣東南三十里山腰有石潭飛瀑五六丈 ○按此見輿地紀勝詳訂補

龍柴巖 在縣東南一百里此窟水出即雨遇旱禱之即應

豹龍洞 在縣東五十里內藏有古樂器通洞口處路甚險狹時人遇旱用繩援入取之禱雨雨過送入

花蛇洞 在縣五十里曾有赤甲道人於內修行 ○按此產見夷堅志及輿地紀勝此佚見訂補

以上南條奉泰鄉河北境之山

雞籠山 在縣北七十里

狗耳尖 在縣北六十里兩山並起尖峯形如狗耳

七孃山 在縣北八十里傳說有女十七人同此升仙

石柱山 在縣東北一百一十里高石屹立如柱 ○按此山蔡志以下謬云張飛留有書跡又訛作王曾誣誕可駭見訂補

松子山 在縣北一百一十里 ○按此漢松茲縣名之僅存者見訂補

多雲山

在縣東北一百五十里此山四時多雲氣雖晴日麗空雲亦連屬不絕故名郡守盧天台濬詩云萬仞峯高一澗寒亂花穿柳點征鞍琴絃振起塵妖息須信騷壇亦將壇

○按此見輿地紀勝名雲山即衡山音變張

文潛有詩張志以下訛天堂皆名為山名英霍志均正之說見訂補

鹽堆山

在縣東北一百五十里以形似名

鷹嘴巖

在縣東四十二里郡守盧濬過巖有詠云隘路人稀到春風我獨經萬山雲叶白一屋樹移青敢謂屠龍手聊尋瘞鶴銘野樽林淺酌落日恐猩猩

岐嶺

在縣東一百三十里馬面山在縣北七十里盧郡守濬詩云桃花映馬衝是也

○按岐嶺見明史地理志上有梁武帝五嶽樓此佚見訂補

麻姑巖

在縣東八十里

老虎洞

在縣北一百四十里多雲鄉廣化寺左

含風洞

在縣北一百五十里多雲山下風一出能拔禾稼草木民甚畏之歲時致祭以祈免

風洞二

一在縣北多雲山之右一百六十里一在多雲鄉一百八十里其為患亦如風洞

藍家山

在縣東北一十里上有朝陽庵

○按此即藍忍兒至正中作亂所居詳傅氏明書太祖本紀見訂補

以上南條多雲鄉河北境之山

淨瓶山

在縣東四十里以形似名

地理志

卷一

六

南保山

在縣東北五十里

亭子山

在縣東北四十里

馬家山

在縣東北三十里

青峯柴

在縣東北四十里

登場垲

在縣東八里

以上南條多雲鄉河南境之山

官渡河

在縣南百步源出娥眉山紫壇衝沿北峯河西流與多雲河合經縣前出蘄水界河過黃岡巴河石潭口注之江

○按此與多鄉河西流平鄉河西流即宋人西流河所由名詳翠微北征錄蘄黃今訛作溢流西陽均

誤見訂補

北峯河

在縣北二十五里

○按北峯封鹽均應作豐北豐豐沿均古安豐名縣之僅存者見訂補

七楊衝河

在縣北二十里

白楊衝河

在縣東北一十五里

多雲鄉河

在縣東北一百里源出石柱山七里衝西流與東安河合北入北峯河口西下與官渡河合

八兒河 在縣東北五十里

東安河 在縣東北七十里

○按此乃劉宋東安蠻縣舊名之僅存者見訂補

湯河二 一在縣東北東安河下其澗有諸佛寺一在縣東北多雲河上俱四時泉沸如湯熱

龍潭河二 一在縣東北六十里東安河中有一潭激聲如播鼓噴水如拋珠俗名播鼓潭水絕即雨一在縣東南二十里龍潭河中有一潭澄清水深實龍潛之所諺云龍潭煙起霎時大雨

封鹽河 在縣東北八十里

深水河 在縣東二十里

橫河 在縣東北二十里

以上北峯多雲等河皆合流官渡河注之江為縣治第一重襟帶者也

奉泰鄉河 在縣東四十里源出舊治魁山南之朦朧東流為義水南入英山河下落翎河逾石險通白蓮河出蘭溪江

○按此為宋義安梁州郡之得名又名直河為宋直水蠻縣得名見訂補

落翎河 在縣東南五十里

雞兒河 在縣南五十里

湫澤河 在縣南三十里

地理志

卷一

八油河 在縣東南六十里元時兄弟八人皆居此擢迪功郎故河因以得名

石險河 在縣南五十里河中有石險景趣奇絕十夫多往觀留題今摘數篇錄之如左 ○按此宋名險石已見輿地紀勝此缺見訂補

本朝同知謝朝宣石險賦朝發浞川將之羅田道轉幽谷河渡白蓮厭徑路之崎嶇喜舟楫之輕便問津兮何處壑遠兮窮源東接廬州之鄙西轄齊安之邊石橫截兮躡蹬水口出兮潺湲舟返而物渝人濟而裳褰此蓋天所以限乎西東繫名險而今傳於戲異哉易設守國傳城虎牢吾嘗聞險之名矣晉有龍門蜀有三峽吾嘗見險之形矣然形勝者名或不彰名聞者實或水著孰若險之專名於斯而雄據者也爰命舟子泝流指壑溪水故曲似山陰之有約崖石橫擊即赤壁之可樂瞬息咫尺水湄山脚萬籟生幽孤舟就泊曳杖逍遙可喜可愕波穹兮石摧石礙兮波迴無蚌兮噴珠不雲兮轟雷煙霞兮掩映心目兮明開避炎濯風凭高遠望水水山山隨步異狀浪迸而激石缺而崩相峙兮如較相軋兮如傾磊落兮如拳鱗次兮如鯨或相傾而不墜或相較而勢爭斯物態之變化類人事之縱橫于是烹茶代酒拜石為朋有吟風之雅興無繫日之長繩已而歸舟順下林鳥欲投去危即安他復何求心悅兮有得履正兮無憂見險兮思欲知止過險兮豈宜重遊嗟乎羅田之險一方勝跡隱而弗顯識者心惻若實當道自貽伊戚嗟余視險幸當晴日一遇陰晦變怪百出雖心雄萬夫亦不免危懼若憚險阻必欲治平不思托根深固徒彈力而難成或者動搖山脈實足致陵谷之崩騰險在目前隱如勅敵王公恃之以固其域時有常變安如一日君子思之以崇厥德遇有順逆介焉如石於戲日險而思無 而忽思者當崇忽者恆辱我在平地無忽險中人因處險每見成功周除蛟害班探虎穴在昔有光于今為烈逢險莫避取義成仁未險莫蹈明哲保身險乎險乎豈無從來維時與義易稱大哉載稽郡志名險何年且喜沈公之詩惜無蘇子之篇當時一經目而品題何于此而遺滴無乃身險阻而備嘗口囁嚅而慵言不自我後孰開其先但無赤壁之筆終有愧於坡仙○參議常熟王鼎詩四首古羅此景自大開涉險龍門亦易哉老樹懸崖經幾變奔流觸石自千回米癡當日曾端拜白口何年得再來俗客此行幾誤找夕陽未可放傳盃○金堂玉室人間世仙界誰能得到頻萬疊浪花捲雪千般石窟暗藏春一時冠蓋有今日滿眼江山非昔人對此不須重感慨商彝周鼎亦埃塵○殘山賸水知幾楚此險目然大未工怪石障山分變態濤飛瀑故爭雄千般鳥道空撐漢八節龍門亦下風咫尺黃州原不到浮雲飛鳥恨坡翁○夢中昨夜有龍門此險真應出世氣東去亂波猶下峽西來孤嶂欲生雲地形自信超千古天巧誰能闕一分有約春風携酒去座中惟少沈休文○提學金陵沈鍾次前韻四首煙煤冰蘊畫圖開如此山川足險故把筆倉皇詩浪押倚闌傾到首頻回神劔怪石如人立天放飛流入地來

彷彿御風超八極滄溟何啻一浮盃○羅田山水真奇僻圖畫終看夢寐頻草樹周遭酣雨露乾坤閱歷飽秋春坡翁曾欠留題句仙蹟還應解避人亟欲追遊拚命駕渴心安得免生塵○造化獻靈奇怪甚詩家放筆品題工仙凡平判彌千載情景相當是兩雄季白天才堪倚馬孟嘉醉帽或衝風山靈不省能知否此地相應著此翁○詩畫相將乍到門天然標格脫塵氛獨騎羸馬疲尋路直到深山踏破雲宦海光陰嫌孟浪仙家境界乞平分品題畧不煩雕琢水上風行總是文○提學臨海蔡潮詩三首蘸江石壁影蒼蒼欲記峯名問棹郎灘轉晴川如九曲水浮雲氣下三湘關情欲賦懷蘇老遊目難寬愧子長勝地吾人能幾到儘教新月伴歸航○泝流直探老龍池目駭心驚見此奇赤壁慣遊渾小景瀛洲信有只如斯乾坤應許開雙眼山水相看若故知坐石觀瀾還載酒仙舟欲上更遲遲○一梁中截兩山連雪瀑飛寒幾窳穿深鑿卻疑通禹穴長流應不比潮泉崆峒影裏分三峽太極圖中會百川神斧何年平石壁新題許我得深鑄○同知王相一首勝地登臨幾畏難分明鬼刻一奇觀水從石竇流將去雲向峯頭散復攢赤壁鶴鳴聲已斷黃陵霜冷景殊殘爭如此段玲瓏玉快賞令人欲掛冠○推官朱節一首閩苑徒聞遠世氛東南又見一龍門客懷淡淡宜秋景馬足登登破曉雲萬斛珠璣天外墮一川風月靜中分莫言赤壁多奇勝應笑坡公負此樽○教諭陳瓚一首天河一脈暗相連險道縈紆萬壑穿瓊液飛流驚瀑布珠璣錯落見潮泉導流神禹功存漢取水宣尼意在川苔蘚百年封鎖地新題次第看磨鏹○逸民蔡芳一首風勁霜明行道難偷閑策蹇縱遊觀恍疑三峽精神爽忽訝龍門毛髮攢萬斛珠璣頻噴薄千尋雪浪不摧殘誰能收拾西山雨洗淨塵蒙縉布冠

白蓮河

在縣南五十里源出英山過本

○按河見寰宇通志此缺見訂補

以上俱合流奉泰鄉河南遼縣治西下蘭溪爲第二重襟帶者也

平湖鄉河

在縣北三十里源自鹽堆山西流壠泆河下與新昌十里合流出尤河指與官渡河流合襟

○按河見寰宇志此未引見訂補

西閣河

在縣北七十里

黃石河

在縣北八十里

地理志

卷一

八

九子河

在縣北一百二十里

○按此春秋楚地鳩茲名之僅存者九資乃年遠音變太平寰宇記松茲即古鳩茲見訂補

壠泆河

在縣北八十里

騾走河

在縣北五十里

新昌河

在縣北七十里

尤河柴

在縣西三十里

○按此見元豐九域志作流河華岳北征錄作西流河今訛作油河作溢流河見訂補

以上俱與平湖河合流尤河柴會官渡河流注之江遼縣治之後而爲包絡者也

石原河

在縣北七里遼縣治之後而爲包絡者也

畝

曾家畝

在縣西七里

庫泉畝

在縣西十五里

梅店畝

在縣東二十里

童家畝

在縣北二十里

石橋畷 在縣東二十里
即舊之石橋鎮

○按作二十里未合當
是五十之譌見訂補

舊縣畷 在縣東六十里
即舊之縣治

羅家畷 在縣北
一百里

鴨子畷 在縣南
五十里

衝

長園衝 在縣西一十里地勢
廣邈溪流如帶故名

○按此有誤長乃茶字
音近傳訛見訂補

七楊衝 在縣北二十里有隱翁居此樹七楊於門故名有時一絕云門栽曲
榦數株楊春到清陰覆上堂花逐東風圓卻碎條濡朝露弱還強

七庫衝 在縣東
三十里

紫檀衝 在縣北
四十里

林

柳林二 一在縣東北三里一在縣東北五十
里盧郡守濬詩云日色開林口是也

楊林 在縣南
四十里

地理志

卷一

井

五龍井 在縣東歲旱
禱雨則應 鄒家垵井 在縣東
六百步

○按此可据以訂後來
諸志之訛見訂補

及泉井 在儒學門東教諭
陶清臣己亥年鑿

石井 在縣東北
二十里

龍井三 一在縣東北多雲鹽堆河去縣一百五十里一在鶴
鼻峯去縣一百里一在多雲山去縣一百六十里 玄妙觀井 在縣南百步盧郡守濬詩
云一井新開浸碧天是也

潭

烏馬潭 在縣西
三里 ○按此潭按以後志及大清一統
志尚有缺佚之古蹟見訂補

蒲潭 在縣西北二十
里舊有業甲

芭茅潭 在縣北六十
里舊有業甲

天井潭 在縣北六十
里舊有業甲

泉

玉泉 在縣西北十五里其
泉靜練如玉故名 鳳坡泉 在縣西新街
社學之東

○按此可訂後來諸
志之訛見訂補

玉虹泉

在縣東五十里宋紹興何錫汝石刻詩云百尺雲巖佛閣前曉鐘疎葉思悠然岸邊酌酒和清露石上題詩染翠煙半嶺泉鳴通古澗數峯秋盡隔寒川西風似欲吹人起去逐騎鯨汗漫仙○無名氏次韻玉虹飛下翠巖前便鳴千古險語何嘗墜百川鼓缶載歌聊注月高風尙憶子喬仙○按此石刻詩作者姓名諸志皆誤應作王汝錫舒城人湧幢小品說尤異又泉名亦載輿地紀勝見訂補

灘

胡師灘

在縣東十里

港

神仙港

在縣西北七十里舊說有神仙寓此遺有盤跡

溝

老虎溝

在縣南奉泰鄉一十里

城郭

城郭之立蓋古人重門待暴之意也羅田僻在萬山之中爲淮豫兩路之喉舌草寇時發不有城以守之則民將肝食矣然圯缺之患無歲無之使修葺之功不繼則頽敗日滋而後益難於爲力長民者其念之哉

○按宋舊縣城爲創縣縣令魏任修此缺見訂補

成化己亥信陽衛軍入境劫庫知縣沈雷築土城

周圍五里徑二里高一丈厚五尺開東西南北四門東北依東嶽廟山正北西北俱在山巔西南正

南東南正東俱臨河

地理志

卷一

十

嘉靖庚寅土城覆于水患賊復入寇知縣勞樟築石城

延袤以舊城爲限高一丈五尺厚一丈立四門東曰崇仁南曰崇道西曰崇義北曰

崇德知縣沈越恐臨河一帶終不免於水患乃督民植楊柳以爲防至今民感之戊戌羅大水四面城復于隍者過半祝侯將沒官盜產申准巡撫計丈給價募民修築完日登記冊籍以便日後因方照名修整

論曰勞侯之有功於羅厚矣而其功之後偉莫大於修學築城之二端而築城之功尤其卓然者蓋今之興作有三難費出之官則上疑出之民則下謗一難也視官府如傳舍不以爲己事而忠謀之二難也斷不由衷則沮之者多而事罔克

濟三難也當官者多憚於興修之務廢不舉敝不葺率由是耳有如勞侯者不亦鮮哉繼是沈侯祝侯皆能成公之美者故並書之

坊鄉

縱橫于城中者曰坊部分于郊外者曰鄉然皆不出于邑之城中焉羅田之鄉有三而坊僅有其名無創建者或以人或事或以地各有義存焉困並志之

進士坊

在縣東

政平坊

在縣南

惠義坊

在縣西

足食坊

在縣西

咸寧坊

在縣東

樂善坊

在縣東

仁和坊

在縣東南

育賢坊

在縣學東嘉靖辛丑知縣祝瑛建今廢

崇教坊

在縣南

歸厚坊

在縣東南

崇文坊

在縣南

以上在城中者

三鄉

平湖鄉

在縣西北

奉泰鄉

在縣東南

多雲鄉

在縣東北

市鎮

古者日中交易所以致民而聚貨也羅之溪流闊狹舟楫不通雖無四方之商百貨之萃而一邑之日用所需內取之土產外通之竹筏其物亦多矣苟非定其法平其價未有不啟爭者此市鎮之所以志也

縣市

居民環列業商賈者權量任情高下各行司市歷年未更每值客商交易把持物價平民艱於用急價貫僅得所值十之五雖設時估亦未能如之何此有司所當釐正而痛革者嘉靖辛丑知縣祝瑛照坊置立定所較勘權量

民甚便之

地理志

卷一

十一

正街

在縣東

河街

在縣東南

新街二

一在縣東北一在縣西北知縣夏國孝開

歸厚巷

去縣治三百步

河街巷

去縣治六百步

崇文巷

舊名詩書街去縣治三百五十步

橋頭巷

去縣治二百五十步

新街巷

去縣治四百步

黃家橋市

在縣東六里

平湖市

在縣西四十里

石橋鎮

在縣東南五十里舊有巡檢司今廢

多雲鎮

在縣東北一百二十里有巡司

○按此有傳訛當是未立縣以前之石橋茶場官署見訂補

風俗

相噓為風相染為俗風俗之移人甚易而變之甚難羅之俗素稱淳厚而其趨漸不如古不乘其未甚而亟反之則流弊益滋矣是深望於民牧者

○按此於歷朝及明代風俗太畧見訂補

秀民樂於為儒而不輕釋其業見神光觀記

土風厚善見蘇軾跋韓魏公詩

眈俗富庶見宋關詠神光觀記

淳質儉約見隋志

風氣和平訟獄稀少見泰觀謝表

尊德樂道其士朴而不陋亦見蘇軾跋韓魏公詩 ○按以上引用前人書文義例未畫一見訂補

男事乎外女事乎內勤於教子拙於行商羅之民朴而愿羅之士沃而瘠櫛風沐雨惟知力農執翰操觚惟知勤讀陰陽醫卜之技皆所未能商賈之業咸無所事間有

惑之甚者送子弟投黃冠緇衣之流為避役養生之計而已至於婦女幕漿縫裳固其長也而春求柔桑以供蠶夏依灌木以采葛又於秋冬之交有事於木綿亦女工之最勤者也

歲時正月元旦五鼓陳茶菓燈燭拜祖先壽尊長其下序長幼羅拜已乃出拜親朋更相賀歲立春前期一日出東郊迎春闔城長幼多聚觀焉十五日元夕家置彩燈間以管絃慶賞清明日前後祭掃祖塋四月八日佛降生皆造

烏飯供奉有喪則否五月端午懸蒲劍艾虎於門作角黍相饋遺六月六日及七月中元日家置羹飯祀先畢集親隣共享之八月中秋至寒露復祭掃先塋如清明禮十二月二十四日以後各烹羊豕陳酒菓會親隣長幼守歲至二十八九日宰

豬羊制羹飯以祀先餘饋親友

地理志

卷一

禮儀本縣冠禮男子多以年二十上下為率惟從俗擇吉日而冠其循古禮而行之者僅兩見焉婚禮多從納采請期親迎之制但論財瀆倫亡賴之弊亦多所宜懲禁喪禮多遵

律例倣古制惟出喪日前二三夜隣友各携穀饌坐夜或高歌吹唱或搬雜劇大於禮有妨至於散孝帛作佛事皆宜痛革祭禮歲時各隨家之貧富以為物品之厚而忌日誕日皆有常祭若墓祭掛紙則春以清明秋以中秋冬以歲暮也

橋渡古人於農畢之時而成徒杠輿梁之制凡以免民之病涉也然羅田每於春夏之間則山溪之水泛溢洶沸其路之險而斷者當有橋其不可以橋者必有渡以通之或制自官或制自民皆興利也至於時察而

修葺之則端在良有司耳

通濟橋在縣東成化初知縣徐泰建今廢

霸城橋在縣南河街口今廢

板橋灣橋三在縣西一座古橋一座義官程仲信建一座居民汪朝陽建

剪刀山橋在縣西七里醫官張善建

覓兒橋在縣西二十里義民胡明哲建

黃豎公橋在縣東五里

段皮河橋在縣東三十里民余志林建李正己重修

黃家橋在縣東六十里

三里橋二一在縣東三里一在縣西三里胡明智建

玉虹橋在縣東四十里橋廢有
何錫汝詩見玉虹泉

○按何錫汝當作
王汝錫此誤

祝家橋在縣東十里
判官胡祥建

觀音橋在縣北四十里
義民胡明智建

楊公橋在縣北七十里逸
民楊梓建有碑

石柱山橋在縣北一
百一十里

花石橋在縣西北四
里胡全建

關口橋在縣南二里
監生張羨建

源清橋在縣南一
百五十步

河口橋在縣北十里
醫官張善建

李莽崖橋在縣北二十里
判官胡祥建

普西橋在縣東
二十里

地理志

卷一

石橋在縣東
十五里

普應橋在縣西六十里
見玄妙觀記

官渡河渡有官舟
見惠政

尤河柴渡民有
竹籬

塘堰水利之興其來舊矣羅之田高者易旱必有防以障其流卑者易潦必有溝以洩其溢凡以備不虞也但其陂堰河防多失時不修故旱乾水溢之災人力終莫能勝因志之以俟專職者

蓮塘二一在舊縣魁山南五
里一在縣南五里

長塘在縣北三
十五里

官塘三一在縣南三十里一在縣東南五十里一在縣東北五十里
原係民地官斃為衆防旱無稅每年止納造塘堰册紙價

石堰二一在縣南十五里
一在縣東五十里

千工堰在縣北一
百一十里

蕭家堰在縣西
十五里

羅田縣志卷之一